

PROGRAM I PRINCIPI ZAJEDNIČKOG POLITIČKOG DJELOVANJA 2024. - 2028. godine

U cilju unapređenja kvaliteta života građana, jačanja institucionalne saradnje i ostvarivanja zajedničkih političkih ciljeva izražavamo spremnost na međusobno razumijevanje, partnerstvo i zajedničko djelovanje u Gradskom vijeću Grada Lukavca.

Program zajedničkog političkog djelovanja usmjeren je na nadležnosti lokalne zajednice i na realnim osnovama tretira sve oblasti društvenog života. Smatramo da je potrebno uvesti princip šireg koncenzusa političkih snaga, jer interesi građana u lokalnoj zajednici trebaju biti principijelno jedinstveni.

Obavezujemo se da ćemo poseban akcenat staviti na dosljedno i beskompromisno vraćanje temeljnim principima demokratičnosti pridajući važnost sposobnosti, stručnosti, poštenju i odgovornosti s ciljem stvaranja okruženja jednakih prilika za sve građane i građanke.

Ističemo samo neke od problema, u različitim oblastima, sa kojima se danas susrećemo, a sa kojima ćemo se odlučno uhvatiti u koštac s ciljem stvaranja boljih životnih prilika u našem gradu.

1. PRIVREDA I RAZVOJ PODUZETNIŠTVA

- Grad Lukavac je jedan od najznačajnijih tačaka na industrijskoj, rudarskoj i turističkoj karti Bosne i Hercegovine. Svi njeni potencijali nisu adekvatno iskorišteni niti jednako tretirani. Neophodno je učiniti dodatne napore da industrijska preduzeća u Lukavcu, usklade svoj rad sa ekološkim standardima i zakonima, a njihovi radnici ostvare sva prava na siguran i dostojanstven rad;
- Prepoznamo važnost razvoja poduzetništva kao jednog od glavnih stubova lokalne privrede. Ova politika je osmišljena s ciljem da se stvore uvjeti u kojima poduzetnici mogu lako započeti i razvijati svoje poslovanje, doprinoseći time općem blagostanju zajednice. Kroz niz strateških mjera, želimo poticati rast malih i srednjih preduzeća, promovisati inovacije i tehnološki razvoj, te osigurati stalnu edukaciju i podršku poduzetnicima;

Kao ključnu komponentu naše politike za razvoj poduzetništva oformit ćemo **kancelariju /službu/ za podršku poduzetnicima** koja će olakšati poslovanje i potaknuti poduzetnički duh.

2. INFRASTRUKTURA I PROSTORNO UREĐENJE

Obavezujemo se da ćemo:

- Kontinuirano i primarno raditi na rješavanju problema vodosnabdijevanja Grada Lukavca;
 - Izgradnja cjevovoda za vodu izvorišta „Toplice“ sa petlje Šićki Brod do parcele gdje je planirana izgradnja Postrojenja za tretman pitke vode;
 - Izgradnja Postrojenja za tretman pitke vode u fazama.
- Provoditi aktivnosti na zamjeni azbestnih cijevi u vodovodima;

- Rekonstrukcija vodovodne mreže gradskog vodovodnog sistema uz zamjenu dotrajalih cijevi.
- U saradnji sa višim nivoima sufinansirati projekat izgradnje kanalizacionog prstena oko Jezera Modrac;
- Raditi na izgradnji vodovoda u mjesnim zajednicama koje nemaju riješeno pitanje vodosnabdijevanja;
- Provoditi kontinuiranu sanaciju i rekonstrukciju lokalnih puteva i ulične rasvjete;
- Pokrenuti i realizovati što veći broj projekta regulacije adekvatne kanalizacione mreže u mjesnim zajednicama;
- Provoditi odlučnu i beskompromisnu borbu sa nelegalno izgrađenim objektima, i dosljednu primjenu zakona kada je riječ o ovoj oblasti;
- Osigurati sredstva za subvencioniranje ugradnje liftova u stambene zgrade gdje za to interes iskažu etažni vlasnici;
- Regulisanja javnog prijevoza na području grada Lukavac (jeftinije autobusne karte za povlaštene kategorije među kojima su RVI, penzioneri, studenti, učenici, demobilisani borci i dr).
- Kvalitetnije saobraćajne infrastrukture
 - Završetak rekonstrukcije puta Turija – Puračić;
 - Početak aktivnosti oko izgradnje putne komunikacije na realaciji Lukavac – Mramor;
 - Početak aktivnosti oko izgradnje (asfaltiranje) putne komunikacije na realaciji Lukavac – Srebrenik (preko Ratiša, a iz pravca Gnojnice i Kruševice);
 - Kontinuirano ulaganje u rekonstrukciju i sanaciju putnih pravaca u mjesnim zajednicama;
 - Izgradnja novih parking mjesta na području grada Lukavac.
- Nastavak ulaganja u opremu JU Dom zdravlja Lukavac i sam objekat kako bi pacijenti imali bolje uslove za liječenje i boravak u istom.
- Stvaranje boljih i povoljnijih uslova za razvoj ekološki prihvatljive industrije i poljoprivrede na području grada Lukavca:
 - Izrada regulacionog plana za novu industrijsku zonu na prostoru od gradskog groblja do teretnog ulaza u Koksaru te izgradnja infrastrukture na tom prostoru kako bi budućim investitorima ponudili bolje uslove za investiranje (Industrijska zona treba biti namijenjena isključivo za ekološki prihvatljive proizvodnje);
 - Uzimanje u posjed (vlasništvo ili upravljanje) prostora nekadašnjeg srednjoškolskog centra u MZ Hrvati preko puta Koksare;

Prostorno uređenje i zaštita okoliša

- Povećati broj i rad mjernih stanica (tbx) u gradu i prigradskim mjestima čiji će podaci o zagađenju zraka biti javno dostupni;
- Uspostaviti kontinuiranu partnersku saradnju sa industrijskim preduzećima, te insistirati na obaveznom poštivanju ekoloških normi i standarda, okolinskih dozvola a sve u okviru zakonskih propisa;
- Insistirati od najvećih industrijskih preduzeća na odgovornom odnosu prema lokalnoj zajednici kroz ulaganja u sportske, kulturne i infrastrukturne projekte na području Grada Lukavca i mjesnih zajednica;
- Proširenje i uređenje gradskog groblja;
- Donošenje odluke GV Lukavac o odlaganju šljake TE Tuzla na PK Šikulje;
- Graditi biciklističke staze, gradska šetališta, parkove u mjesnim zajednicama;
- Iznaci adekvatno rješenje za odlaganje otpada;
- Subvencioniranje/izrada projekata za ugradnju fotonaponskih ploča i toplotnih pumpi u osnovnim školama koje se griju na čvrsto gorivo;
- Organizovanje mobilne stanica za otkup pet ambalaže i reciklažu otpada;
- Osnivanje azila za pse;
- Sistemsko rješavanje problema ilegalnih deponija smeća;
- Nastavak smanjivanja zagađivanja zraka usljed smanjivanja broja ložišta koja koriste ugalj:
 - a) Završetak izgradnje vrelovoda i priključenje na sistem daljinskog grijanja OŠ Lukavac Mjesto, Doma kulture Lukavac Mjesto, tzv „Bijeje zgrade“ u Lukavac Mjestu,
 - b) Toplifikacija netoplificiranih dijelova grada Lukavac- MZ Lukavac Grad,
 - c) Subvencije ulaganja za smanjenje aero-zagađenja (alternativni izvori energije, uštede energije utopljanjem objekata), budžetom predvidjeti minimalni iznos od 200.000 KM godišnje i obavezna realizacija u ovom iznosu,
- Nastavak zamjene postojećih svjetiljki ulične rasvjete sa energetski efikasnijom led rasvjetom,
- Subvencija odvoza smeća za ugrožene kategorije od strane Grada Lukavac (penzioneri sa najnižim penzijama i socijalni slučajevi),
- Izgradnje nove gradske tržnice/pijace.

3. OBRAZOVANJE

- Poboljšati uslove i povećati kapacitet JU za odgoj i obrazovanje djece predškolskog uzrasta Lukavac;

- Uraditi analizu i planirati sredstva za podršku djeci kroz stimulaciju i vaučerizaciju boravka djece u predškolskim ustanovama;
- Stimulisati izgradnju i približavanje predškolskih obrazovno-odgojnih ustanova što većem broju djece (obdanište u Puračiću, Dobošnici i Poljicu);
- U saradnji sa nadležnim ministarstvima krenuti u izgradnju fiskulturnih sala u školama gdje ne postoje;
- U saradnji sa osnovnim školama inicirati provođenje analize o potrebi uvođenja produženog boravka u školama;
- Omogućavanje obavljanja pripravničkog staža diplomatima sa područja Grada Lukavac u firmama i ustanovama sa područja Grada Lukavac.

4. SPORT, KULTURA I MLADI

- Obezbjediti podršku nadarenim i vrhunskim sportistima i umjetnicima čiji rezultati doprinose popularizaciji sporta i kulture, ali i grada Lukavac;
- Podršku sportskim klubovima i udruženjima iz oblasti sporta usmjeravati tako da se u sportske aktivnosti uključi što veći broj mladih, na način da se osim postignutih rezultata posebno cijeni i masovnost sa ciljem razvoja mladih u sportskom duhu;
- Očuvanje bosanske kulture i tradicije:
 - Očuvanje bosanskog folklorne i tradicije kroz očuvanje narodnih običaja, muzike, pleas, rukotvorina, kuhinje ali i očuvanje bosanskih spomenika, stećaka i slično.
- Obnoviti tradiciju takmičenja u različitim vidovima sportskih igara sa masovnim učešćem sportista, kao što su školske lige, tematski sportski susreti, radničke sportske igre i slično;
- Obnoviti ili izgraditi sportske poligone i igrališta u mjesnim zajednicama;
- Sačiniti godišnji plan kulturno-sportskih manifestacija od značaja za Grad Lukavac;
- Borbu protiv bilo kojeg oblika segregacije i diskriminacije u školama voditi kontinuirano;
- Pomoć sportskim klubovima u održavanju i obnovi sportskih terena i dvorana.
- Izrada strategije razvoja kulture i umjetnosti

5. ZDRAVSTVO I SOCIJALNA POLITIKA

- Ulagati u ljudski resurse kao prioritet u radu svakog menadžmenta u zdravstvu;
- Vršiti zapošljavanje u zdravstvenim ustanovama na maksimalno transparentan način (konkurs, kriteriji, transparentnost);
- Obezbjediti redovan godišnji, preventivni zdravstveni pregled za učenike svih razreda i predškolskih grupa;
- Izvršiti planiranje prostora i drugih pretpostavki za izgradnju Javne ustanove za kvalitetno zbrinjavanje i boravak starih i nemoćnih lica;
- U okviru Centra za socijalni rad formirati centar za dnevni boravak koji će pružati stručnu pomoć i usluge žrtvama nasilja u porodici, maloljetnim delikventima, djeci sa poteškoćama, marginaliziranim skupinama i slično;
- Dodatno osnažiti službu Hitne medicinske pomoći, kako kadrovski tako i sa neophodnim sredstvima za rad;
- Obnoviti eksterijer i enterijer zgrade JU Doma zdravlja Lukavac;
- Nastavak brige i obezbjeđenje novčane pomoći za oboljele od malignih oboljenja sa područja Grada Lukavac.

6. REORGANIZACIJA GRADSKE UPRAVE I SAVJETA MJESNIH ZAJEDNICA

- Usvojiti izmjene i dopune Statuta Grada Lukavac;
- Izbor Vijeća mjesnih zajednica vršiti u skladu sa Statutom Grada Lukavac i Zakonom o principima lokalne samouprave;
- Nastojati osnažiti rad Vijeća mjesnih zajednica koja trebaju biti ključni faktori za donošenje svih programa i projekata za razvoj svake mjesne zajednice;
- Planirati kapitalne projekte za ravnomjeran razvoj mjesnih zajednica i osigurati zagarantovana budžetska sredstva koja će biti prevedno raspoređena po jasno utvrđenim kriterijima (broj stanovnika, trenutno stanje infrastrukture, površina teritorije) a za projekte, za koje Vijeće mjesne zajednice i mještani iskažu prioritetan interes;
- Vratiti u funkciju Mjesne urede u Puračiću, Dobošnici, Poljicu Gornjem ili drugim mjestima gdje bude isto svrsishodno;
- Ravnomjeran razvoj mjesnih zajednica.

7. JAVNI MEDIJI

- Objektivno, nepristrasno i pravovremeno informisanje javnosti po svim pitanjima koja se odnose na život građana;
- Zabraniti miješanja bilo kojeg pojedinca u uređivačke i programske sadržaje RTV Lukavac;
- Unapređenja rada RTV Lukavac i poboljšanja standarda svih zaposlenika ove medijske kuće;

8. SINDIKALNE ORGANIZACIJE, UDRUŽENJA MLADIH I OCD

- Pružiti adekvatnu podršku u radu i razvoju svih organizacija civilnog društva sa područja Grada Lukavca i nastojati ostvariti istinski partnerski odnos sa istima u skladu sa zakonom;
- Institucionalno obilježavanje važnih datuma i sjećanja na sve one koji su položili svoje živote za našu slobodu;
- Zalagat ćemo se da se u svakoj mjesnoj zajednici spomen-obilježja adekvatno održavaju, porušena poprave, a tamo gdje postoji interes izgraditi nova;
- Posebna pažnja posvetit će se edukaciji, naročito među mladima, o temi antifašizma, organizovati tribine i akademije u prigodnim prilikama, insistirajući da nosilac ovih aktivnosti bude Grad Lukavac;

9. BORAČKA UDRUŽENJA

Veća briga o boračkim kategorijama Armije BiH i HVO-a sa područja Grada Lukavac. Poboljšanje statusa boraca i branitelja kao i boračkih organizacija, te uređenje oblasti boračkih organizacija donošenjem potrebnih akata i odluka na GV Lukavac

Program i principi zajedničkog političkog djelovanja predstavljaju okosnicu razvoja Grada Lukavca u narednom četvorogodišnjem periodu, uz napomenu da će životna praksa nametnuti i neka druga pitanja koji će se morati urgentno rješavati.

Insistirati ćemo da se budžeti Grada Lukavca utvrđuju i donose na demokratskim osnovama, a to podrazumijeva snažan utjecaj vijeća i građana mjesnih zajednica koji će odrediti svoje prioritete u rješavanju zajedničkih problema. Na toj osnovi će se utvrditi kriteriji raspodjele budžetskih sredstava, vodeći računa o stepenu razvijenosti zajednica, broju stanovnika i veličini prostora na kojem građani žive. U tom okviru, pažnja će se usmjeriti da se razvoj, u cjelini uzevši, realizira na principima solidarnosti, međusobnog dogovaranja i usaglašavanja s ciljem ravnomjernog razvoja svih mjesnih zajednica sa područja Grada Lukavac.

Poznato nam je da su naši izborni programi principijelno kompatibilni, ali je neophodno da imamo i potpišemo (damo pristanak) na ovaj dokument, koji će biti garancija našeg zajedničkog djelovanja u Gradskom vijeću Lukavac.

SOCIJALDEMOKRATE BIH (SD BiH)

POKRET DEMOKRATSKE AKCIJE BIH (PDA BiH)

SOCIJALDEMOKRATSKA PARTIJA BIH (SDP BiH)
